

[Click Here to upgrade to
Unlimited Pages and Expanded Features](#)

Kutanga Chamuchivan. wawakarokonde 1, 3-9
Mujimbu Wamwaza: Mako 13, 33-37

TONENUNGA!

Umwe wahashikola yayinene vamwivwile kutambakana sepalyenyi naufuku hanyima yakufuma natanga, ambile ngwenyi kuneche kuveta veji naufuku. Sepalyenyi amwihwile mangana alumbunune awa mazu. Alumbunwine ngwenyi avwile woma wakuveta Yesu, kwesekesa ashikile ngwenyi mwakeza kala lwola numba na ufuku.

Omu natuputuka kuliwahisa nakulizanga hakwiza chazango yamucivali yatufunga vamuno muAfrica mu October 2009 (African Synod). Mutwe wachihande waulemu kuliyetu tuvosenau. %iuka muno muAfrica leyatela kutwaminyina kuneha vathu hamwe, mukwoloka nakuwunda: Enu munapu mungwa wamafuchi ahamavu... Enu munapu musana wavaka . mavu. (Mateu5: 13, 14). Kwesekesa navihula vyazango yamucivali vyatufunga vamuAfrica (2006: 6), Chiyoyelo cavathu chinalumuka hanyima yakupwa nazango yakavanga mu 1994. Kwalumuka chimwe tunamono eche chiyoyelelo cavathu mukusekasana nakulanjisa, muvhande vyamilingu nachiyulo najijila jakuyoya chavo mushipilitu.

Kuli vize vinakuneha ukalu halitungu Iya Africa, vihula vinahakilako, kwatela kupwa kunangula kanawa mazu amujimbu wamwaza mangana mazu amujimbu wamwaza ahone kuholokela hamavu amalwolwa namingonga. Shikaho mujimbu Ouwamwana wamukashikola kanda natuumona nge lyempeko. Muchano vene , lelo, hakuputuka eyi ngonde yakuvandamina kwiza chamulwilo twatela kulizanga hakwiza chenye hashingishimishi nahakukuma chakaye elu lwola lwangonde lwakuvandamina kwiza chamulwilo hingonde yakulihana mukulomba. Hilwola lwa kuvangwila. Yesu ngwenyi %amwatachikijile lwola nangwizako+

Yesu ngwenyi kanda natuvezukila mutulo yino ngonde yakuvandaminako. Yesu ngwenyi, %zangamenu, tonenuõ + kushindakanya echi chihande cha tonenunga, Yesu natutela chishimo chamuthu Ou mwazuzumana kuli fuchi lyeka, naseze zuvo yenye, nahana jingolo vandungo chakuhona kuvalweza lwolwa mwakakinduluka. Ava vandungo kavatachikijileko lwola mwakakinduluka mwatha wavo. Chuma vanatachikiza kaha ngwavo mwatha wavo mwakakinduluka. Ndungo kaha wachilenga mwecha kunyingilila nakuvangwila hakuvandamina kukinduluka cha mwatha wenye.

Mujila yoyimwe, Yesu kuhichila mumazu amujimbu wamwaza nakuhanjika kuli yetu yino ngonde yakuvandamina kwiza chenye ngwenyi %nyingililenu, tonenuõ + Yesu anakutusanyika tupwenga vakuningilila lwola lwosena muchachi kavyuma vinakusoloka mukachi ketu. Anakutusanyika tusokolole meso etu tutalenu vakakuhutwa, vakakuyanda, tunyingilile kumusongo walihwanga (HIV/AIDS), tuvangwile kukuyanjisa cha maphwevo na vana na evi vina kusoloka mulifuchi Iya Zimbabwe, South Africa na mafuchi akwavo. Mwomwo kuyoya chamukakulishitu chinapu cakavanga chakuvangwila nakutona kavyuma vize vinakuyanjisa vandumbwetu vamaphwevo na vamaunga, evi vinakujimbaganya tengeso yavo muchifwanyisa cha Kalunga na upahu vavahana waKalunga muli vakivo. Kanda natuhaka mitwe yetu nakulomba nakwamba ngwetu %Muthu hi muthu alimwene Iya vene+

kisa kupwa vakuningilila nakutona mwomwo utu, chipwe chivwanyisa mwakazachisa Yesu hakwiza jila nambila ngwenyi vamwe vathu navakalikomokela su mwakamba ngwenyi, %umenu kuli yami, yenu vakwangula mukakanya kamazeze valongesele satana natungelo twenyi. Mwomwo ngwapwile nazala, kamwanguhanyine kulyako, ngwapwile lipwila oloze kamwanguhanyine kunwako, ngwapwile ngungeji oloze kamwanguzumbwileko, ngwapwile nakuviza namuzuvo yaufunge, oloze kamwanguatalileko.+Oloze vakiko navakamba ngwavo, %Mwatha, mwaka uka twakumwene nazala, cipwe muzuvo yaufunge: Numba himwakavakumbulula ngwenyi, omu mwakanyine kucilingila umwe wakuli ava vavandende, mukiko vene mwakanyine kungulingilaco Ami.+

Myaka yino , himyaka yamaukalu amavulu, kuhutwa, lijika kanwa, kuzachisa mavitumbo amasasu, kuhona milimo vakweze, kuhona vanyike kumashikola, musongo waluhwanga (HIV/AIDS), kuvitongola vyavivulu. Musongo waluhwanga ukawawo kaha unakulyanya nakwivwisa wove vathu vosena muno mukaye. Muno muZambia kakwechi thanga cipwe ngalila hinakuhona kufunda vandumbavo vamaphwevo chipwwe vamaunga. Shikaho tupwenga vakuvangwila nakutona kumusongo waluhwanga (HIV/AIDS) nakukwenyeka chawo mujindanda jetu.

Yetu vakakwitava, katwatachikizako lwola lwakwiza cha Mwatha, Oloze tunatacikiza ngwethu chamucano vene mwakeza. %Nge mweza lwola luze katwechi nakujina ngwetu mwezako, kanda mwawana yove nayami mutulo. Nawa ngwami awa mazu nanguhanjika kuli yove ngunawahanjika kuli vosena: Tona.!+

VIHULA VYAKUTUKAFWAKO KUSHENGENYEKA MUMAUKA ETU AMANDENDE

- Mukuyoya chetu chahakumbihakumbi, vyuma muka twatela kunyingilila nakuzangama navyo lwola lwosena?
- Mujijila muka tunahase kulikingilamo kuli evi vyuma?
- Chuma muka ngwatela kulinga hauka wami mangana ngupwenga wakulizanga chikupu hakwiza cha mwatha yino shingishimishi?

KUHEMA

Kupwenga waphwewo, apwenga nge nakumisa shikola yakuzata na vathu (social work). Oloze lwola lwosena mwaya nakumweseka mangana engile milimo, oloze vanakumusezaho numbanyi ali nalipepa lyamwaza. Oloze vakwavo vanakuvasakula mwomwo vali navathu vanatacikiza hamukana wavakakweseka. Oloze hanyima yakutwama myaka yivali chakuhona milimo, hinavamusakula jino kuliuka lyakutala halijika kanwa. Mwomwo yakutachikiza ngwenyi ahonene kwingila milimo mwomwo yalijika kanwa, amwenenga lwola lwosena ngwenyi katela kulingamoko, muvilinga vyalijika kanwa. Shikaho himwapwa jino chinjikizo chamwaza chakuhonesa lijika kanwa nakulomba lwola lwosena ngwenyi likoji lyaKalunga limutetekelenga mangana akahone kulingamo. Mwomwo yakuvangwila nakuwunda chenya chanehesa awane milimo mujila yakalemesa.

VILOMBELO VYAVAKAKWITAVA

- Mwangana, wechi kwiza nakutusolwela kulema chetu mutengeselo yaKalunga, tumweneso jila yakututwaminyina kuyoya kana yakulemesa tengeso yaKaunga, Mwangana tunakulomba! *Mwangana tunakulombo utwivwilile!*
- Mwangana, wechi kutwivwililanga lwola lwosena mukuhona chetu, tukafweko tuvendenjeka vakakuhutwa navilinga vyetu vyazangi, Mwangana, tunakulombo! *Mwangana, utwivwilile!*



*Your complimentary
use period has ended.
Thank you for using
PDF Complete.*

[Click Here to upgrade to
Unlimited Pages and Expanded Features](#)

wunda mukaye kethu, kuwunda mukaye, chikumanyi
uhako wakuwunda chamumicima yetu na jizuvo jethu,
ngana tunakulombo utwivwilile!

Kutanga Chamucivali wawetulo 2, 8-14
Mujimbu waMwaza: Mateu 1, 1-8

OLOLENU JILA KUHICHILA MUKULIWANYISA

Hakwingila mucalumingo chamucivali chakuvandamina kwiza chamulwilo mujimbu umwe unaleme hakutanga chetu chalelo . Natuvwivwa mukutanga chetu chatete nakumujimbu wamwaza ou mujimbu ; %Ololenu jila yaMwataō longesenu jila ya Mwata mupambo ō + Watambuka jila waliza. Mukanwa kakashinakaji mwanuka, oloze mazu afumamo ayema. Lyatoka nakulova, kalyatoka nakusanda nduloko. Nge muhungama nakusanda ndulo ukalinge ee linatoko, muya kuzuvo mavokovoko chakuhona vayishi.

Nacilumbunuka ika %kwolwola jila yaMwata?+ nacilumbunuka kwalumuka chamicima yetu hakwolwola jila yaMwatha. Mangana hakwiza chenye hashingishimishi chipwe hakukuma chakaye tukahone kukasumuka. Kanda mwakawana tunakuyoya navilinga vyetu vyashili vyamwakako. Kanda mwatuwana nakulundundu nakupinjilikako. Yino ngonde yakuvandamina hingonde yakulihana kuli mwatha. Twalitachikiza kanawa yetu vavane muthu himuthu. Tunatachikiza vathu tunavulumuna, vilinga vyaupwapwoki tunalingi vyakuneha majilo kukuyoya chetu chakwitava. Tunatachiza kuvulumuna tunavulumuna Kalunga Ou ayoya. Kwolwola jila hikulitala hakuyoya chetu chakwitava. Hijila yakukindula kwingila mumucima tumone vyuma vize vina pihisa kuwaha chatengeso yaKalunga muliyetu. Mukanda wakuputuka kawahanjikile jijila jivaliko, Kalunga atengele vyosena vyamwaza. Kakwapwile shiliko, kwenyeka chatengeso yaKalunga misenge navyosena vyayoyela hano hamavu. Chinafumu kulihi? Kalunga ngwenyi, %mwene vyosena vyamwaza.+ (Kaputuka 1,31). Shikaho tulitalenu tumone vathu tunavulumuna chakutachikiza chipwe chakuhona kutachikiza. Tunenyeka chifwanyisa chakalunga muli yetu, kaha nawa natumono omutunenyeka vipapa namisenge. Kaye kosena lelo kali nakusotola manyinga mwomwo vyavilinga vya muthu muvipapa namumisenge. Tunakumbila majilo avifwoyo namapepa chimbilila, awa majili tunakuwamona nameswetu.

Kwolwola jila chinahase kulumbunuka kuliwanyisa yetu vavene, navakwetu, natengeso yaKalunga, naKalunga ivene nawa. Kuliwanyisa chinapu kukinduluka kuli Kalunga Ou atuzanga cikuma ,nge mwana wakujimbala ,nakwamba ngwami, †ata, ngunavulumuna kuliyove, nakuli KalungaqKuliwanyisa hikwitavila ngwetu vyuma kavyechi nge omuvyatela kupwako. Mujila yikwavo kuliwanyisa hichinjikizo chazangi.

Lelo MuZambia vyavivulu vyamwaza vinasoloka. Oloze nawa tunatacikiza ngwetu kulinawa vyuma vyavivulu vina hono kwoloka mwomwo yalifwi, Mwomwo vatwamina jetu vamwe katweci kuhasa kuvafwelelako, mwomwo kavechi nakutonda kupwa vakuzachila lifuchi navatuko. Twatela kutachikiza ngwetu kuyoya chetu nacha lifuchi lyetu lilinakutonda kulyuka kuhicila mukuliwanyisa, chakuhona kunehamo kulyapula chavihande vyamilingu nacivyulo. Kuli vyana twatela kuzalisa hamwe nge vakakwitava, vakamilingu nacivyulo navathu vosena mulifuchi. Shikaho tuzachisenu elu lwola lwalikoji lyaKulunga mangana tufungulula kulitala hamalimi, lijikakanwa namaujila. Mukutanga chetu camuchivali Paulu natuhane muvimbimbi hakusoneka ngwenyi, %Kalunga keshi kulangisa lushiko lwenyi nge omu vamonu vathu vamwe kulangisako, oloze namitalilila cikoki, mwomwo kazanga muthu umwe kunongako, oloze ngwenyi. Vosena vakahete kukwalumuka cakupilila shikaho.+ Twatela kwitavila nge vyuma vyosena vyahano hamavu kavyechi vyetuko, vatuhanavyo kuvilama

vakulikehesa vachiyulo, vamangana, chikumanyi
retu atuwana vakulihana mukulomba, navakuliwanyisa

VILOLA VYAKOTOKAI WA KUSHENGENYEKA MUMA UKA ETU AMANDENDE

- Hanenu cinjikizo kufuma kuMukanda waMwaka waKalunga cha kuliwanyisa?
- Ngwechi kutondanga kuliwanyisa halivize yami ngunalingi kulivakwethu nyi vimwe vize mukwetu nalingi kuli yami?
- Chuma muka chachinene chinakuhonesanga yami nguhone kuliwanyisa navakwethu kaha nanguchihonesa ngacilihi?

KUHEMA

Kupwenga lunga naphwevo navana vavo vatatu. Echi kwizanga makumbi amavulu mucalumingo wakuchelewa mwomwo yakupwa naphwevo wakajila. Shikaho keshi kulya hamwe nathangako namilimo yikwavo yathangako. Nge phwevo lyenyi mwamuhulisa, himwamwivwisa woma wakumuhanga. Shikaho mukazuvo yenyi kwenyi nomu mwecha kumuhulisa. Ou lunga unonyi himwamona kuyanda chaphwevo lyenyi nathanga. Vana vene jino nakupasa kushikola pimbi. Himwamona kuluhwisa chenyi himwaliwanyisa jino naKalunga nathanga yenyi. Himwecha naujila. Thanga yenyi jino mivumbo mwe,mwe, yakuwahilila.

VILOMBELO VYAVAKAKWITAVA

- Mwangana, wechi kutwanukisanga ngwove mbalaka yove yayashi nachiteli chove nawa chachilelu, tukafweko tuelule chiteli chaumwe namukwavo chikumanyi chavakakuhwutwa utuhane kwimika chakuhanjika havyuma vinapihi mulifuchi lyethu, Mwangana, tunakulombo, *Mwangana tunakulombo utwivwilile!*
- Mwangana, yove lizu lyaKalunga linasolola zangi nalikoji lyenyi; tunakulomba ngwetu tusolole likoji kuli umwe namukwavo nakutengeso yove. Mwangana, tunakulombo, *Mwangana tunakulombo utwivwilile!*
- Mwangana, yove chinjikiso chakutuwanyisa, kafweko vaze vanakuyoya nakulihanduna vatambule kukonekela chove. Mwangana tunakulombo! *Mwangana tunakulombo utwivwilile!*

Mukutanga Chamulwilo. Tesalonika watete 5:16-24

Mujimbu wamwaza: Yowano 1, 6-8. 19-28

KULISHITU MWAULA MILIMO YENYI

Omu tuli ha twatwa yamu kachi yakuvandamina kwiza chamulwilo, tunapuka kulihulisa umwe namukwavo ha kwaula ya milimo yoUnakwiza. VaYuleya vapwilenga nakuvandamina kwiza chamulwilo kwesekesa naseteko ya jindondelo javo. Vatachikijile hatoma too ngwavo, mulwilo mwakeza na kulwa jita na kufumisaho chiyulo chavaLoma mangana vakaliyule vavene. Kushinganyeka kana echi chanehele kuwahilila hakusoloka chaYowano muka kujimika. tupilishitu navakakusoneka vapwilenga nakuyula muYelusalema vatumine tunganda twavo kuli Yowano. Vamuhulishile ngwavo, %o iya? Yove Elija tahinyi? Vasakile chikuma kwijiva mulimo wenyi noko nafumu mangana vatwale unjiho wakutamo kuli vatetekeli javo.

Vatetekeli vakumuyachi wavaYuleya vamuhulishile Yowano mangana avalweze milimo yenyi, vatondele cheka kwiziva okwo mwakafuma mulwilo ali nakwiza, namilimo muka mwakazatanga.?Yowano atachikijile chachindende milimo yamulwilo. Ejivile ngwenyi, mulwilo nakwiza mwakeza namwono wajila na kakahya. Namuhambakane ngolo kahanawa keshi kuhasa kukasununa vikapa vyamendelo yenyiko.

Mukutanga chatete, kapolofweto Isaya nambulula milimo yamulwilo. Isaya ngwenyi, owu ali nakwiza namwono wajila vanamuwavisa namwono wajila. Mulimo wenyi naupwa wakwambulula mujimbu wamwaza kuli vakakuhutwa, navaze vanachiki vayenga mukulihehwa. Vanamutumu mangana avilike kulihewwa kuli vafunge. Owu mujimbu kana wakuneha mwono nakulihehwa unanehe lufwelelo muli yetu vakakwitava.

Owu alinakwiza mwaneha kUnda nakulivwasana. Yesu lyavene avalwezele vathu mumukanda wamwaza wa (Luka 4:21) ngwenyi, mazu asonekele kapolofweto Isaya anavalumbunukila mumatwitwi avo. Milimo yaYesu yapwile yakuneha mwono wajila wakUnda na Kwoloka.

Kuze kunahono kwoloka, kwauchi kulikonekela. Nachiyoyelo chakUnda kacheshi kuhasa kupwako, nachiyoyelo chavathu kacheshi kuhasa kuya kulutweko. Tuvosena valinakutuhumunako kuputuka kutunga chiyoyelo chetu mumauka twatwama, mulifuchi lyetu hajindondelo jakwoloka.

Milimo ya Kulishitu nganomu nambulula kapolofweto Isaya yinemyina haulwilo. Ulwilo wapwa kulwila muthu mujiseteko josena, kumujimba na kumwono. Ulwilo kakwatwama kahako mulifuchi linakwizaho, oloze namuno mulifuchi lyetu twechi kutwamanga. ulwilo kaweza nakwimba myaso ya %wajila, wajila+ mulifuchi nalikezaho, oloze chemanyina hakwoloka. Vakakuhutwa, vazetunachiki, vakakuyanda navaze twajimbala tunahase kuneha ulwilo kuli vakiko nge tuli nakuvalama kamawa. Ulwilo wechi kuputukilanga mumauka etu twatwama na mulifuchi mangana tuhase kuneha kuyoya chamwaza chakutamo.

Kuze kuli kulichika nakuliyanjisa, kuli na mwono waupi, Kuyoya kana echi kachahakanyiko mwono wajila wakuli Kulishitu. Yesu apwile nalola lwakutwama nakwambulula mujimbu

ungu navamapwevo, chachinene kuli vakakuhutwa, unga lyakulama vandumbwenyi kumyono nakumijimba. vinjiho vamwaza va kwoloka na kwimanyinako vase vanachiki mukuyoya chavo. Twateia kupwa nge mungwa na mumunyi wa mulifuchi. Zangu yamu chivali yava Tufunga vosena vamuno mulitungo lyaAfrica (second African synod #64) vanakutwanukisa milimo yavakakwatava vosena muno mufuchi ngwavo:

Mwomwo vakakwitava vechi kuzatanga mulimo waunene mutembele yaKalunga na mulifuchi, nalihamba lyakuneha kulikonekela, kUnda na kwoloka chinapu chuma chimwe chachilemuõ vatu vechi kuzamikisa mumilimo yavo nakumona ngwavo mutu himutu vanamulemesa chakuzeneka kumusaula.+

Mwono wajila wa Mwangana unahase kwize mulietu nge tuli nakulama kanawa, vakamama, vatuliwe, vakakutuzachila milimo, tushinakaji, vitonji navaze vanahono jingolo mumauka twechi kutwamanga. Echi nachituhana lisesa nangolo ja kuhasa kupayisa vosena vase vakakuluwisa namitayi yayipi yize yanemanyina hakuchika nakuyanjisa vathu.

VIHULA VYAKUTUKAFWAKO KUSHINGANYEKA MUMAUKA ETU AMANDENDE

- Kwoloka chapwa chuma muka? Vyuma muka vyakuhona kwoloka vinakulingika mungalila twatwama?
- Kukonekela chayauze chihwanga vasukukile naYesu chinawahila na kupihila mulihi? Nge chinoloka, chinolokela mulihi?
- Mujila muka ngwechi kutwaminanga mu kwoloka, numba mujila muka tembele yinahonena kulinga mwa kwoloka, yami hakumona upi kanou vuma muka ngunalingi mangana ngunehe chiyoyelo chakwoloka?

KUHEMA

Mukweze walunga mwamona ngwenyi, vana vamapwevo muliuka vechikutwamanga valinakuvambachisa washi mangana vawanyinemo jimbongo ja kutangishilamo vana vama lunga kushikola. Owu mukweze nafwelela ngwenyi vana vama lunga nava mapwevo vosena chochimwe. Oloze jingolo naulume jawuchi jakuhasa kupayisa liuka kana eli. Owu mukweze mwalomba kuli Kalunga mangana amuhane jingolo naulume wakuhasa kupayisa jitanga eji mangana vamone upi vanakulinga kuli vanavavo vamapwevo. Jitanga jikwavo jimwe najivwa kanawa nakumukafwa uze mukweze mangana visemi vechenga kusombwesanga vana vavo vavandende va mapwevo.

VILOMBELO VYAVAKAKWITAVA

- Mwangana, utuhaneko likoji lya kulemesa vakwetu mwomwo watutengele muchifwanyisa chove. *Mwangana tunakulombo, Mwangana tunakulombo wutwivwilile!*
- Mwangana, tunakulombelako vatetekeli vosena mangana vawane kUnda nakuneha kwoloka. *Mwangana tunakulombo, Mwangana tunakulombo wutwivwilile!*
- Mwangana, mukakutuka na mukakutukonekela wechi kutuhundanga masoji, tukafweko kupwa vinjikijilo vyakUka mukachi kavaze vali mumaukalu akulisezaseza. *Mwangana tunakulombo, Mwangana tunakulombo wutwivwilile!*

KUFWELELA MUNGOLO JAKALUNGA

Omu tuli nakuswenya kwakamwihi nakusemuka cha Mwatha, mijimbu yayilemu eyi, kulizanga, kutalilila, nakwiza cha Kulishitu kuhichila muli Maliya. Owu mwapwa na mwana mwaluka ngwenyi Emanuwele, kulumbununa ngwavo Kalunga alinayetu. Maliya, nganaOmu tunatachikiza alikomokelele hamujimbu wakwivwa ngwavo mwemita mwana yowu mwakaluka ngwenyi Yesu. Hakupwa naye yayaUze mwanayou-alitulaho chamukomowesele chikuma nakushinganyeka mwaya kumeneka kana.

Tuvosena tunatachikiza ngwetu mujimbu anehele kangelo Ngavalyele kuli Maliya, numba wapwile waukalu kUtachikiza, lifuchi lyosena lili nakuvandamina mujimbu kanowu. Mujimbu wakwaula cha kwiza cha Kalunga, nakutwama nayetu, himujimbu wachitalililo. Kumeneka cha Maliya chinasolola ulemu wa Maliya mukulongesa chakulwila. Lifuchi lyosena lili nakutalila kuli Maliya omu mononokela kulongesa cha Kalunga.

Maliya awanyine mujimbu kanowu kupwa waukalu. %cho nachipwa ngachili hi, hakupwami kanda nguchilimone nalunga?+ chihula kanaechi chamuchano, chinasolola uselewa wa muthu. Chinasolola vihula twechi kulihulisanga mukuyoya chetu. Vihula vyakufwana nge, chiyoyelo chami nachikawaha nyi chiku? Inyi wukalu wachiyoyelo chami naukakuma ngachilihi? Chisemunwina chosena navana vetu navakayoya ngachilihi kumusongo waluwanga wa (HIV/AIDS)? Vakweze vali na kulihulisa chihula kana echi na kutala hachiyoyelo chavo chakulutwe. Muwihi, natwamba ngwetu, lifuchi lyetu lili nakuya kulihi, chiyeyelo chetu chinayila mulihi hakupwa muno mulifuchi linazale namaukalu akulisezaseza, amwe, akuhona nakutachikiza? Tunahase kulifwanyisa na Maliya owu apwile nawoma na kulizakamina. Chihandwa chili hali yetu na Maliya, Maliya ahakile lufwelelo lwenyi mungolo ya Kalunga. Kapwile nawoma wakulweza Kalunga ukalu na kuyayavala chenyiko. Kangelo Ngavalyele amukolesele Maliya ngwenyi, kakwatwama chuma nachimweko nahase kuhona Kalunga. Ngavalyele amwanukishile Maliya machinjikiijilo cha Elizaveta kausokokenyi uze nemita lijimo mUshinakaji wenyi, mukakweji kamusambu. Likumbi lyalelo kangelo ka Kalunga alinakutuhumuna namazu akukupuka ngwenyi, Kalunga kechi kuhasako kuhona chuma nachimweko.

Kakavulu twechi kuhonanga kuzamikisa mulufwelelo lwetu, nge chiyoyelo chetu chinavulu navihuli. Twetela kupwa vakuzamikisa mulufwelelo ngana Maliya. Muchalumingo chino chachiwana chakuvandamina kwiza chamulwilo wetu, vanakutwanukisako vosena kufwelela mungolo ya Kalunga ya kuyoyesa. Kuli yetu vakakwitava, Kalunga echi kutulwilanga jita. Chuma twatela kulinga etu chachashi, kulihana nakulinga mwakutamo. Vyuma vinasaleko tuvihake mumavoko aKalunga. NgeMaliya, twatela kwamba ngwetu, %ami ngundungo ya Yehova. Mukakwimba maSamu ngwenyi, %kukafwa kwetu kwechi kufuma kuli Yehova, tengi ya Melu na Mavu.+(120:2). Kalunga mukalamanga muthu vosena uze mwakahaka lufwelelo mulijina lwenyi.

Mulifuchi lyetu Iya Zambia lelo, manazale namaukalu akulisezaseza. Oloze mawana aKalunga amavulu, akufwana nge, vihela vyakutwama, meya, malowa andando na kUnda. Vakwetu twalihata navo vechi kutalanga hali yetu. Twatela ngeMaliya, kufwelela muli

ajihya ja lifuchi, twatela kufwelela muli Kalunga ngwetu, ngo waluwanga (AIDS) natutwama mukUnda. Twatela

maniya atwama chitambo chetu chalufwelelo mukukavangiza Kalunga. Natulweze omu twatela kwivwilila nakulinga mwaya kusaka cha Kalunga nakulihana mumavoko aKulunga, owu keshi kuhonako. Kapolofweto Yeremiaya (29:11-14) ngwenyi, %mwomwo yami ngunejiva vishinganyeka ngulinakumishinganyekela,...vishinganyeka vyamwaza, vishinganyeka vyakumihana luheto kechi kuyandako: Nakuwahisa chiyoyelo chenu chakulutwe.

Maliya etavilile mungolo ya Kalunga, shikangaho twayenu nayetu twitavile ngeyikiye.

VIHULA VYAKUTUKAFWAKO KUSHENGENYEKA MUMAUKA ETU AMANDENDE

- Kufwelela chetu chinakolela na kuhonewela halihi mukwitava chetu?
- Mujila muka Maliya akumbulwile kukusanyika cha Kalunga?
- Mujila muka tunahase kunehela Kulishitu mumauka etu?

KUHEMA

Kupwenga tuliwe wa pwevo navanavenyi vavali. Tanga kana eyi yapwile naupite shumbu kanda lunga achifwe. Vakatanganya yayawuze lunga, kavakwachile mavoko avo haupiteko. Oloze, vaze vana vavali vama lunga, venyekele upite wasevo namalyamba. Mukamama owu mwatonda kwecha lufwelelo lwenyi mwomwo wakuhutwa. Kulya vapwilenga nakulya katatu halikumbi, jinonyi navalya kamwe, hamwe nahamwe navasavalila nazala. Kalunga kuhichila mumalombelo amukamama owu, mwalumuna michima yavana venyi. Kuwahilila nachiza cheka hembo.

VILOMBELO VYAVAKAKWITAVA

- Mwangana, tunakulombelela likoji lya kufwelela mwomwo yove wechi kutulamanga nakutuhana vyosena natutonda muno mulifuchi. *Mwangana tunakulombo, Mwangana tunakulombo utwivwilile!*
- Mwangana, tunakulombelelako jitanga jetu jipwenga jakuzamikisa muvikola namukuyanda. *Mwangana tunakulombo, tunakulombo utwivwilile!*
- Mwangana, tunakulombelelako likoji lya kulikehesa, nganomu walikehesese hakwaza nakutwama nayetu vakashili. *Mwangana tunakulombo, Mwangana tunakulombo utwivwilile!*